

Keejje (3) xeppheena'o

Qannayii giddiito

Kayraddiin Abba mecca

Ciinnii tachitina'o

Sheri'oona tachitina'o

She Mohammed jibriil

She Mudasir Yasin

She Abdul Aziz Jemal

Kooree hinnoon tachitina'o

Ustaz Hayder Huseen

She Mohammed zein temam

Kafi noonee biishoon tachito

Ustaz Hayder Huseen

Deco 19/2/2017 E.C Takkayoo

October 29/2024 Tuesday

رَبِيعُ الْأَوَّلِ 26/1446 مِنْ الْهَجْرَةِ يَوْمَ الثَّلَاثَاءِ

Keejje xeppheena'o

Koorito kayraddiin abba mecca



Ashi bushoo bullich dooyoo wuttoo tuneti keejje (3) xeppheena'o beeteete

Eboshiyoona



(1) Yeerin ariyoo

(2) Yeerichi nabiyon ariyoo

(3) Yeeri deejjiti gibenoon ariyoo bi miixona tookkii

Ebi keejje mooyon ariyaani asho koni bulla yeerichi ammanite geton hakkaache ✖

Amoyicha getigaata ebi keemooche ikkoo shappigaata bi gibeno ceenaache

Battibatt biin halliti nuggishoon ariyoo qaawiihe aree hillooch ashich bi wochati wocheyachon ariyoo qaawiihe aree hillooch are ashich bi deejjiti sheeroon ariyoo qaawiihe


Ebich ebi keemina'o ashi bushoo gibenoyich xeppheena'o getaa ciinneheete


Boono sheqqoon no ciinigaata ebin shaahiye





(1) Yeerin ariyoo geto

 Yeerichi beemon

 Yeerichi ikkittinoon

 Yeerichi shigeena'on


 Yeerichi ashiigeena'on


 Yeerichi haqqoon


.....dab eboshin ariyoone


Wotta eboshin no sheqqegaata ebin shaahiye





 Yeerichi beemon ariyoo geto


 Yeeri aalloone iibeeti asheena'o beeteete ebin boono getoch
boono giddiiti nabeena'o

 Yeeri aafoona bekkiyaache

 Bi qaaro waayeyaache

 Bi beehoo waayeyaache


 Biin yechaa beegaachon

 Biin napphaa beegaachon iyeete

Ebich boonoshin no echemmo



 Kasho ittoshich beet!?

 Beegaata bekkiiyehot!?

😞 Aalloone gettehot!?

😞 Itto kashoon aachiti yeeri ittoshich bekke qayo biin maweh!?

😞 Ebi halloo bullin hallito kone !?

😞 Bi qell halleeyo hakkeh!?

😞 Ebi ogooge mooyo qayiiche baakkee guufo bulla bi qell halleeyeh!?

Wotta amoyich bekko qajjiye bi getteegaata



👉 Ashi aafe giidoo yeerin ciino hakkaache.

👉 Yeeri beeto arshoye damba tunemmona no beeto showooch.

👉 Biin ciinaanon ammanitina'ochi daqqoon dambiiyoch.

👉 Ammanito aabigaata nookkato aabigaata phiraa beegoyich.

👉 Biin aafoona ciino yaaneexi besho bi tuneti qoodoyich yaach jannatoyich qoopphiye.

Wotta yeerichi ikkittinoon ariyoo geto



👉 Yeerichi ikkittinoon duubiitina'o wodde bootooch qoodeehete

👉 Kaamona yeerin guttii keejjiibeetina'o

👉 Guudiyoona yeeriwaan xaaqqiibeetina'o

👉 Mookke gommona xaaqqiibeetina'o

👉 Wogee gommona xaaqqiibeetina'o

👉 Yibbaatee daggooch xaaqqiibeetina'o

👉 Shatti gommona xaaqqiibeetina'o

👉 Qaate gommona xaaqqiibeetina'o

👉 Shuune daggoocho xaaqqiibeetina'o

.....dab

And ebi shaaheena'on no sheqqegaata ebin shaahiye



👉 Kaamona yeerin guttii keejjiyoo geto yeeri ikkeetin baach gibeniyaa'chone baroono daakkoo qaawiihe ibeetina'o

👉 Guudiyoonaa xaaqqiibeetina'o wotta ikke mooyon gibenere aroona yeeriwaan shagoyich gabiibeetina'o

👉 Wotta bare yeerin gibenehone iibeechi bare goroo,qabro,qubboo,allaamoo,sheeko,mixoo,xaqqo,iinoo.....dab eboshich mookkaabeetina'o.

👉 Wotta qabroona,qaqqoonaa,azaabona,tandeenaa,ta nihoona,.....dab ii wogeebeetina'o.

👉 Wotta yeerina tookkii neen gibeneho,yeerina tookkii ne tuneqqaanall,yeerinaa neennall,....dab ii yibbaatebeetina'o.

👉 Wotta wohooch/waamo waayiyaani katinooch beechi sheekon,allaamon,tomoon,cabseen,dongechon,showee qoolloon,...dab ta yibbaaton waayare taan miixemmollii shattiibeetina'o.

👉 Wotta shuunee daggooch xaaqqoo geto

👉 Ashaafonaa biyyonocha getaa tifeebeeti mooyo bulla.

👉 Gijjee qettooch ashaafooyich,sheebittoyich getaa tippaabeeti mooyoo bulla.

👉 Ashoon oogiyocha ii noora ii timo.

👉 Ashoon yiittii diggiyoo.

👉 Woshee kichoo

.....dab halla woddeena'one.

Ebich yeerichi ikkittinnoon Kaamoonaa ammanoo geto bi gibenee daggooch ikke mooyon bulla xaaqqee qayone.

Wotta bi gibeno getaa arichatina'o daggoоче



🔪 Yiito

🔪 Qollo

🔪 Shato

🔪 Qaatoo

🔪 Qelle giishiiyoo

🔪 Mookko

🔪 Deejjoo

🔪 Degeeyoo

🔪 Taawujoo

🔪 Iiree qollo

Eboshin bull yeer ikkeetich tuniyoo qaawiihe.

Sha:- yeeriye baroyich yiitti qayo.

Yeeriye baroon qollee qayo.

Yeeriye baroon shatti qayo.

Illa ebi bullin ebi shaahiyoona daambot! ebiiche ikkoon bulla yeeriye bara moochi toommooch heechiyee qayone.

Wotta Yeerichi shigeena'on ariyoo geto



🔪 Yeeri shigoon badd wuuqqee qayo.

🔪 Qur'aano hadiisooch aalli shigoona biin ceeggi qayo.

🔪 Aree shigo bullin bulla yeerichone ii'i ammanoo.

🔪 Yeerichi shigoona shigee qayo bare ashoono shigiiyee qayo.

Wotta Yeerichi ashiigeena'on ariyoo geto



👉 Ashiigoo geto ikke moochi amittinoon/shaahoon biriibeeti mooyone araboona (صفة) sifatun gattahe.

Yeerichi ashiigeena'o



👉 Yeeri waayachone

👉 Beqqachone

👉 Ariyachone

👉 Aafachone

👉 Baatachone ashichona shaahaache.

👉 Gutte yagge kischechone ashichona shaahaache.

👉 Gutte bi kishoo bulla qannoone ashichona shaahaache.

👉 Arshoye damba tunetone aabichiina geto hakkeyaache.

👉 Yeeri ashoon halla shaahaache.

.....dab eboshi yeerichi ashiigeena'o getteeheete.

Ebichi toommooch giddeti echeena'o



👉 Ashaa'ireena'onaa ahbaasheena'o ebin de'aachone iiteete.

Boono giddiiti nabeena'o ebin shaahiyeete



👉 Yeerigaata ashoona shaahaache kischechone no getigaata ashoona shaahiye

👉 Yeeri baatechone no getigaata ashoo baatechone ashoona shaahemmone

👉 Ebich yeeri kishaallo baataallo aafaallone iyeete.

Ebich boonoshin no echemmo



😞 Sheexxoyich kishoo beetashi aalle !?

😞 Ashicho kishoo beetashi aalle !?

😞 Wotta gutteena'ochi kisho shaahiibeete

😞 Showee toommeechi halleechee bulla ebishaahon bi barbariton shimaajji taatoo yeerichonaa hini halleeti ashichona aabichii shaahaye ii gabiyote !?

😞 Yeeri ishigaata bare mooyon shoxxemmon tuushiqqiiniye kishoon,baatoon,aafoon shigo ceeggii bi dittato !?

👉 Ebich wochoo ashicho ashoona hammemmi kishoo baatoo aafon ichete.

👉 Cooxocho ishoomon biinna hammemmo ichete.

👉 Yeericho wotta koochon bulla shaahaache biinna hammimmi kishoo biich beete.

And illa qabinoona yeerichi kishee beemon baach ariihonalli amoomogaata ariyoo qayichee echo bulla no waane qaawiyaache.

Amoyicha getigaata yeeri no taatoo nooch tunemmi mooyo bullin dittete illa baroon dechee boodo nowaane qaawiyaache ❌

Eke bi gettiti wottoon baach shuunee toommooch heechiibon.

Wotta Yeerichi haqqoon ariyoo



👉 Yeeri ashi bushoon hallii bi gaannoona bi giidoona yaaniibeechi aabichii bi haqqo yibbaateyaache

Nabi mohammed ﷺ ikke aaboon mu'aaz jabali bushoon kuree
toommooch haxxibii sha'aabe ishichiyo

Haano bushoocho! *Guuno toommooch beeti yeeri haqqoonaa yeeri
toommooch beeti guunochi haqqoon ariibeetine !?*

Mu'aaz ishichiye.

Yeerinaa bi wocheyachona ariiheete

Ishina ishichii gettiyone

(Guuno toommooch beeti yeeri haqqo biyee baroon gibenee qayone.

*Yeeri toommooch beeti guunochi haqqo wotta biwaan xaaqqii
gibaniyaane ashoon naxee qayone) iyone.*

2ndee xeppho nabiyyon ariyoo

👉 Ebi geto yeeri wochee deejjiti nabiyyo aabin bulla ariyoo no
wuttoo bi tunetaana nabi Mohammedicho ﷺ beshoon ariyoo
nooch qaawiihe.

Amoyicha getigaata bare nabiyyeena'och no ammanemmo
yeeriwaane iberoona wocheeqqi ikkoon bulla kootaanon
shappiyaanon boono wocheeti wochoon shakkiiteete getonalli
boono deebiti sheeroona shuuno aroo noon ciinniyaache.

Boonoshi yeeriwaane boono wocheetaa bulla boono wocheeto
boono showee ashichalli ubbee aagetee ashich toonoone

Wotta boono daggooche ikkoon bulla kootii danammo
isliminnooche kechitone.

Ebich nabi Mohammedich ﷺ wocho bullee aagetooch beeti ashoon bi ciinniibeeti qoodoyich boochi mooyon ariyoo no wuttoone.

Ebich nabi Mohammed ﷺ qabinoona ciinigaata



👉 Mohammed abdillaah abdil muxxalib getaa bi nihinihooch beddaahe arichehe.

👉 Bi yaroo araboone arabooche qureyshe yaroone arooche banii haashimichi kechi asheexone.

👉 Bi shiijjato makkeena bi diccito baalagarooch xalla arabee noonon doyibe getena

👉 Emmisho quyeebe diccite gubb ashoon aabichi bi quyemmogaata doyooch

👉 25 natooba shaaggite kadiiji 40 nattatin

👉 40 natooba nabiyyoon tunete jibriili maraakoo waaqqi bi dojjena

👉 Bi wocheeti aashire natooba shimaayooch yeeriwaan hammite salaatoon deeba

👉 Bi wocheeti 13 natooba madiina goojjite yeeri hambe getena

👉 Bi wocheeti 23 natooba qitite bi taajjo bedena

Ebi nabiyyo bareena'oye bi barito



👉 Ciireexi wocheyachone bi deebiti sheeroon koni bulla waa'i bidon hakkaache

👉 Bullee aagetooch wocheete bareena'och eboomi mallo icheyaanoone

👉 Bullee besheti nabiyyeena'o bi mishraachon boono maccoyich bull gettii beshiiteete

👉 Biich icheti kooricoo (qur'aano) aafi sheeroo bullin kettiiqqi
asho yeerin bi gibenemmoch mashaamikkitone

👉 Yaachi ciiree aabooba koni bulla yeeriwaan geeno hammemmo
shatiyooba hammemmo biine.

👉 Arooba xurimboo huggewooba shiichi oppooche kechemno
biine

.....dab

3nnee xeppho yeeri deejjiti gibenoon ariyoo



👉 Ebi geto yeeri gibanoon bi deejjiibeeto ashicha ii bi tuneti
qoodoyich ashoyo wotta aree gibeno aallon yeeriwaan bi
shagaachemmi qoodoyich ebin ariyoo no wuttoone.

Muslimo geto ama getone !?

Muslim geto arabee noonoo bi tunemmona kafina yeerich qeyito
getone.

👉 Islaam geto arabe noonoo tunammona ebi miho baach keejje (3)
shuuneena'on kicitone.

👉 Yeerin ikkiiqqi biich kishee imo.

👉 Bi getoon ceechii biich yaabeyoo.

👉 Biinna tookkii baroon gibene qayo.

Ebi keemon kicii yechimmone muslimo/yeerich qeyito getteebeeto

Ebich islaame gibeno bi waato batt Mohammedinane ﷺ geto
hakkeyaache ❌


Ebiyee aaf besheti nabiyyeena'o ubba muslimeena'one

Ikke asho hanaach muslime shigoona bi shigoyich baach muslimo
taane geto hakkaache ❌

Ebi keejje sheerooche ikkeen shappiimmo islaame gibenoon
gawukkii kechitone

Wotta islaame gibanoon gawukkii keyo yeerina kaarone yeerin
nookkone yeerin kootiyoone.

Amoyicha getigaata yeeri bi qur'aanona ikke asho bulla muslimo
tuniyaambe qitire tawaan woayaaye bi iibeete mawii biin
nookkeebe bi waan shago ooge hayiboonaa achooche keyaani
ayinoone.



Muslimee tuno amoyich qaawiihe !?



Ikkekke ashi gaboocha isliminnooch gimonaa isliminnooche keyona
gibene shaddoo baachiye ii gabiye ❌

Ebi toonoone ❌

Isliminnoon yesho yeerina shuche'i beemone wotta isliminnoon
qayo yeerina kaaraqqi shuuteeqqi beemone yaacho yeer afoofche
hammii qaaqqooch gimone 😭

Amoyicha getigaata !?



👉 Yeeri ashoon bi hallito bi ikkeetin gibenoyich baachiye biyee baroon gibenemmoo qaaqqeechone

👉 Yeerina tookkii xaaqqee gibenebeeti mooyina'o boono qelle jannato boono qelle qaaqqoo aalle ❌

Ebich boonoshin gibenete ashoon boono gaacceeto aalle ❌

Boonoshin gibeno qayenoo ashoon boono miixeeto aalle ❌

👉 Yaach qiyaamooba yeeri bullee ashoon bulla itto gibeneebe yagiti mooyina'on dabbireesh qaaqqooch hambote gettemmone arooba wodemmo muslimo baachiye yeeriye guuta baroon bi gibeno qajjiti qoodoyich

👉 Shunimmo amee gibenoon bulla yesho hakkiye iibeeti gibene kooricoo aalloone ❌

👉 Amee gibene kooricoo bulla yeerina tookki baroon gibenebote iibeeti mokasho qaawee daniyaache ❌

👉 Wotta yeeri eboomi mooyina'on itto gibeno qayigaata qaaqqooch giyemmo ittoshine getaache.

👉 Amee gibene kooricoo bulla yeerina tookki baroon gibenooche wohote ii boyahе.

Ebich muslimее tuno yeeri ikkeetin gibeno tunemmona bi gaaco woddetaa bulla arooche gutte ogooge mooyina'o beeteete.



1nnoo showee toommooche meeti asho baribare halloon bi gibenebeeti goorooch yeeri ikkeetin baach gibenaa kaamaqqi beemoyich

2nnoo yaach qiyaamooba bullee meeti asho bi gibeneebe yagiti mooyina'on dabbii qaaqqooch bi hamiyooba yeeriwaan echaqqi jannatooch gimoyich.

👉 Ebine isliminnee gaaco

👉 Ebich islaame gibanoon ariyoo biichi miixeena'ona tookkiina
geto dabbimmon shaahiye



Ikke asho yeericha ii bi shuuneebeeti shuuneena'o toommooch
miixee beemo qaawiihe.

Ebi aallegaata bi shuunoo bida'oone getaa qixeehe.

Ebich nooch miixoo tunemmi mooyina'o



👉 Qur'aano

👉 Hadiiso

👉 Ijmaa'o

👉 Qiyaaso

Getaa aricheheete

Eboshiiche ikkoon muccemmo bi shuunoo yeerichi sheerooch
aalloone getaa ciinnehe.

Asho biinnaa bi yeerina daggooch konin bulla gedo qaawiiyaache



Sha:- koni salaatile getee salaatinne getigaata sheekeeno gettiyone
geto qaawiiyaache ❌

Yeerine gettito geto biich qaawiihe

Ebichiye biichi miixeena'ona tookkii ariyoo qaawiihe bi getteeto


















Wond yibbaateeti miixeena'ooche gutta ind indeena'on no sheqqegaata ebin shaahiye



(1) Quraano



Qur'aano geto amoone ?

-  Quraano geto ubba yeeri getoone
-  Areexi ikke biroon bulla kootimmo kaafiroone
-  Areexi ikke biroon bulla hini ashi getoone immo kaafiroone
-  Bi kindito bullee aageteexi ashoon kaame gommooch yaabochiye
-  Biichi sheeroo qiyaamooch beddaahe shaddeyoo hakkaache
-  Deebito maraakoo jibriiline
-  Bi deebito yeeriwaane
-  Bi deebito mohammedich (saw)
-  Arshooche dechi ciireexi gumooch bi kindito daqqechi xume (leyletul qadri) daggooch beytul izzaa getteebeeti kexooch
-  Arooch kindito 30 juuzo bulla ikke kaalloonaniye
-  Arooche wotta beeti mooshoona yeshiiqqi jibriili maraakoo ikkikkoona yeerichi boroona deebiye
-  Aroon nabi Mohammed ﷺ qellooch yechiyone
-  Kindo bi kottito bo eeno 40 bediyoobane
-  Bi neexato bo eeno 63 bediyoobane
-  Bull kindii bi tooccito 23 nati daggoochiye
-  Bi kindito arabee noononane
-  Muslimee maccoyich taatee sheeroone

🔪 Biin qarimmo (shemmammo) ikke bire toommooch baach aashire sawaabon danehe

🔪 Makki daggooch 13 naton kindite

🔪 Madiina 10 naton kindite

Bulla kicaa



🔪 Quraaneechi haaroo 114

🔪 Biichi juuzo (qoodoo) 30

🔪 Biichi miho 77439

🔪 Biichi biro 321250

🔪 Makka kindito 86 haarone

🔪 Madiina kindito 28 haarone

🔪 $86+28=114$ ✓

Quraano bara kooriceena'oye bi bariibeeto



🔪 Quraano bullee aagetooch kindiye aafichina'o ikka showooch/ikke yarooch baachiye

🔪 Quraanon shemmo baach wodde sawaabe chone bareena'och ishoomo aalle

🔪 Quraano biichi sheeroo qiyaamooch beddaahe shuunahe bareena'o wotta boonoshiye gubbi kooricoo waammi wottooniye

(2) Hadiiso



Hadiiso geto amoone?

👉 Hadiiso geto yeeri wocheyacho nabi Mohammed ﷺ getoonaa bo
shuunoonaa boochi ashiigeena'one

👉 Bo gettiti mooyo bulla iberoone

👉 Arooche ikke mihoon kootiimmo kaafiroone

Amoyich hadiiso da'iifo sahiiho gettehe ?



👉 Wodde asheena'o hadiiso dabiye quraano dabaache iyeete

👉 Hadiiso dabiye immi asho kaafiro bi tunoon ariibe

👉 Hadiiso dabio bi qayigaata akka da'iifo getee dekkiyaache iye
getigaata



Ebich wochoon ciinot



Nabiyyeeno ﷺ goorooch bo yibbaatoo wodde gooroon

kooreyaanoone asho bull bi waayetoomona qelloona yechii beeqqi
boonoshiye gubbi shiijjerooch beshiiheete.

Boonoshiyo dechi boono shiijjarooch beshiihete eboomon
shafiroona quyeqqi waabeehe

Ishina umar ibnu abdul aziiz getteebeeti muslimree taatoo hadiiso
ashi qello ikkeetina tuniyaan beete koorii no shiijjerooch beshiyoo
qaawiihe getona kooribote ii maccoon boriye

Ishina bulla bi waayetoomona biich gettiti ashi shigooche tiijjii
damba nabiyyeenowaan ﷺ beddaahe nihinihe haddochoomon ta
iikkatiwaane iikkaati ihaatiwaane aroo wotta ohiwaane ishichiibe
daammii nabi Mohammed waaneena (ﷺ) getooch beddaahe
tuggiiheete.

Ebin beqqiti islaame gibenee wodoon shunaani tippechina'o waaqqi koota mooyon hall hallii qannii deebiqqi taach gettito iikkaati wotta biich gettito ihaati ishina daammii nabi Mohammed ﷺ waan shagghiyo kottiyeete are boono halliti mooyono echa asho iberoone ii ammanii biyee dech beeti ashicho beshiie koorenoo kotehe.

Ishina islaame gibenee(ariyachina'o) yiiteena'o tiyii ubba hadiison beshiiti ashi kiinon phiroon kottiyeete aree ashi daggooch koottii danaabeeti ikkoo beegaata wondi hadiisone getaa gabeebeeto illa min ashi naboona qixeehe

Sha:-aree daggooch ikke asho ashi adaroon maaqqi bi danegaata bi gommona beshaa waati hadiiso illa bull da'iifone (niroone,yeexeroone) getaa duppehe.

Ishina eboomi hadiiso dekkiyaache bi getteebeeto bi beshaa waati gommoo gondoone ebi hadiison haanikkiti asheexi ikkoo koottiibeeto bi tunatoyich ebi hadiisoono kootoone hallii bi dittato getaa bi beshiiti hadiiso amoomon bi wodddataa bulla dekkiyaache aroo nabiyyeenochi toonoone.

Ebiiche tiyitonane hadiiso hini niroone dekkiyaache wotta hini kupphoone dekkaha bi getteebeeto

Islaame gibenee daggooch koni bulla bi qelle gaboona ikke mooyon shuunere yeeriwaane danabane geto yeerin naagoomone

Yeeri bi waan noon katichemmmi mooyo bullin nooch dojjitane illa ebiyee damba daakkoo shappayoo aalloone ❌

- (1) Ibaroonaa gibeneeya beddimmo yeeriye guuta aallo tunoonaa mohammed ﷺ yeeri wocheyachoo tunoon miixoo
- (2) Uuche gooree salaaton sagidoo
- (3) Zakee kichoo
- (4) Ramadaane agenees soomoo
- (5) Yeerichi kexon hammii qayo.

Eboshin no sheqqegaata ebin shaahiye



أَزْكَانُ الْإِسْلَامَ خَمْسَةُ شَهَادَةٍ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ

👉 Arkaanul islaami kamsatun shahaadatu allaa ilaaha illallaah wo anna muhammadan rasuulullaah

👉 **Islaame shuuteena'o uucheena'one haqqoona gibeneeya beddimmo yeeriye guuta aallo tunoon miixoonaa Muhammad yeeri wocheyachoo tunoon miixona**

لَا مَعْبُودَ إِلَّا اللَّهُ وَ مُحَمَّدٌ تَجِبُ طَاعَتُهُ فِي دِينِ اللَّهِ

👉 Laa ma'buuda bi haqqin illallaah wo muhammadun tajibu xaa'atuhuu fii diinillaah

👉 **Haqqoona gibeneeya beddimmo yeeriye guuta aalloone muhammadiyo yeerichi gibene daggooch biinna qemo wuttoone**

👉 Muhammad ﷺ yeeri wocheyachone ii miixoyich awudde (4) sheeroon ceecho qaawiihe



👉 **Bi boriti mooyona qemo**

👉 **Bi gettii/qiikkiti mooyon ibariyoo**

👉 **Bi bajjiti mooyooche woho**

👉 **Bi kichaani gommona yeerin gibene qayo**

Ebi awuddooche ikkoo shappigaata bi miixeti miixoo kootoone.

وَأَقَامُ الصَّلَاةَ آدَانَهَا بِأَرْكَانِهَا وَوَأَجَبَاتِهَا وَالْخُشُوعَ فِيهَا

👉 Wo iqaamussalaati aadaa'uhaa bi arkaanihaa wowaajibaatihaa wol kushuu'i fiihaa

👉 **Salaatono neecho biin gawaatone bi shuuteena'ona bi wutteena'ona tookkii are daggoocho yeerin shatona tookkii**

وَأَيَّاءَ الرِّكَاتِ لِلرِّكَاتِ أَنْوَاعَ رَكَاتُ الْمَالِ وَرَكَاتُ الْأَنْعَامِ وَرَكَاتُ الْغُرُوضِ وَرَكَاتُ التَّجَارَةِ وَلِكُلِّ نَوْعٍ مِنْهَا مِقْدَارٌ مُعَيَّنٌ

👉 Wo iitaa'uzzakaati lizzakaati anwaa'un zakaatul maali wozakaatul an'aami wo zakaatul uruudittijaarati wolikulli nawu'in min'haa miqdaarun mu'ayyan

👉 **Zakee imo zakoyich shaaheena'o beeteete gijjee zakoo gaare gijjee zakoo giixe gijjee zakoo bulle shaaheena'ocho arooche aricheti oogisheena'o beeteete**

👉 **Zakee kichoo geto**



👉 Birawee zakoo

👉 Gaara gijjeecho

👉 Giixe gijjeecho

👉 Aachee zakoo

Eboshin no sheqqegaata ebin shaahiye



👉 Birewee zakoon no ariyemmo aachonaa biraweechi gatiyoonaniye

Ikka ashi birewoo woyee bi giixaabeeti qiice gatiyoo **85** giraame aachon woyee **595** giraame birewoon kemo bi hakkigaata bi Birewee zakoo bedditone kaataa kichoo biin qaawiihe ishin wotta kichoo bi hakkemmo bi kishooch woyee baankooch ceeni naton bi yagito tunegaatane.

Ebiiche ambichoone kechemno getigaata aree bi gijjoon kiciqqi aree mooyon 40 xaa'ooch qoodiye arooche waammi wochoo bi kichemmichi oogishoone

Sha:- $40,000 \div 40 = 1000$ tunehe ebich aabba humachi asho 1000 huma birawoon immiye getone tunebaani ishi bi birewoo 85 giraame aachon woyee 595 giraame birawoon kemo hakkoo qaawiihe ishiyee dech tunagaata bi toommooch zakoo aalloone

Andoo ishoomon aree birewoo bi kishooch/kexooch/baankooch nato koteto tuno qaawiihe andoo ishiyee dechich aalloone

👉 **Gaare gijjeecho geto**



👉 Gaaloo

👉 Miimoo

👉 Bagoonaa emmishoona

Eboshiiche gaalo 5 bi bedigaata Miimo 30 bi bedigaata bagoonaa emmishoona 40 boono bedigaata

Wotta ebi malleeteeti gijjeena'o giixeechina'o boono tunegaata wondi getteeti birawee hinnoonaniye bi kicheeyemmo (aachoonaa bireweechi gatiyoona tacheena)

👉 Giixe gijjeecho geto



👉 Ikke asho bi kemeti moochi gatiyoon ariyoo qaawiihe

👉 Bi kemehooba bi gijjoo zaka bedo tunegaata are bi giixo kottitooche tijjii arechi natooba beeti qiicon gatiyoon yexxii tachaa biino ÷40 ii waammi wochee haddoon kichoo

👉 Wotta bi kemahooba bedaano tunegaata daggoona hammiibe zaka bi bedditi decooche haddiibe aree natooba wondi gettatoomi hinnoona kichiye

👉 Achonaa bireweechi zakoo



👉 Aachoo 85 giraamo bi bedigaata

👉 Birewoo 595 giraamo bi bedigaata

👉 Bi shuneenoo arooche kichiye bishuneenoo aree qoodon gijjoo qocciye.

وَصَوْمُ رَمَضَانَ الْإِمْتِنَانُ عَنِ الطَّعَامِ وَالشَّرَابِ وَالْجَمَاعِ وَجَمِيعِ الْمَفْطَرَاتِ

👉 Wo sowmu ramadaana al imtinaa'u anixxa'aami wosharaabi wol jimaa'i wojamii'il mufaxxiraati

👉 Ramadaane aganee soomoo qellee quyoone mamooche uyooche maachaa anaami danoona bullee soomon biichiibeeti mooyooche

وَحُجُّ الْبَيْتِ مَنْ اسْتَطَاعَ إِلَيْهِ سَبِيلًا صِحَّةً وَأَمْنًا وَمَالًا

👉 Wo hajjul bayti manistaxaa'a ileyi sabiilan sihatan wo amnan wo maalan

👉 Yeeri kexon hammii qayo hakkimmi asho are gommee hamoyich iiwachoo beegaata gommo diggegaata gijjoo bedigaata

أَزْكَانُ الْإِيمَانِ سِتَّةٌ أَنْ تُؤْمِنَ بِاللَّهِ بِوُجُودِهِ وَوَحْدَانِيَّتِهِ وَرُبُوبِيَّتِهِ وَإِلَهِيَّتِهِ وَأَسْمَائِهِ وَصِفَاتِهِ

👉 Arkaanul iimaani sittatun antu'mina billlaahi bi wujuudihii
wowahdaaniyyatihii worubuubiyyatihii wo ilaahiyyatihii wo
asmaa'ihii wo sifaatihii

👉 Iimaane shuuteena'o shiritteena'one yeerich ne ammanoone
bi beemoyich bi ikkittinoyich hallito bi ikkeeti tunoyich
gibeneeya beddimmo bi ikkeeti tunoyich bi shigeena'oyich bi
ashiigeena'oyicho

وَمَلَائِكَتِهِ مَخْلُوقَاتٌ مِنَ النُّورِ لِيَتَنَفَّيْذَ أَوْامِرَ اللَّهِ لَا نَرَاهُمْ

👉 Wo malaa'katihii makluuqaatun minannuuri litanfiizi
awaamirallaahi laa naraahum

👉 Biichi maraakeena'oyicho ammanoo Bekkooche boono
halleeto tunoon yeerichi boroon gawaatiya no boonoshin
beegaachon

وَكُتُبِهِ التَّوْرَاتِ وَالْإِنْجِيلِ وَالزَّبُورِ وَالْفُرْقَانِ وَهُوَ أَفْضَلُهُمْ

👉 Wo kutubihii attawuraati wol injiili wozzabuuri wol furqaani
wohuwa afdaluhum

👉 Biichi kooriceena'oyich ammanoo tawraatinaa injiilinaa
zabuurinaa furqaaninoch aroo (furqaani) boono daggeexi
beshoone

Wotta andoona



👉 Yeeriwaane boono kindito tunoon

👉 Arooch beeti mooyo bull iberoo tunoon

👉 Boono shigo arichetono archiyaanono bullin ibarikkoo

👉 Wotta ishoshiiche arichetina'o

Tawraat (muusicho)

Zabuur (daawudicho)

Injiil(iiisicho)

Furqaan (Muhammadicho (ﷺ))

Eboshin bull ariyoo

وَرُسُلِهِ أَوْلُهُمْ نُوحٌ وَآخِرُهُمْ مُحَمَّدٌ ﷺ وَهُوَ أَفْضَلُهُمْ

👉 Worusulihii awwaluhum nuuhun wo aakiruhum muhammadun
s.a.w. wuhuwa afdaluhum

👉 **Biichi wocheyachina'oyich ammanoo boono shiichoo nuuhi
boono ciir muhammadi tunoon aroo boono daggeexi
beshoone**

وَالْيَوْمَ الْآخِرِ يَوْمَ الْجَزَاءِ لِمَجَاسِبَةِ النَّاسِ عَلَى أَعْمَالِهِمْ

👉 Wol yawumil aakiri yawumil jazaa'i limuhaasabatinnaasi alaa
a'maalihim

👉 **Ciire aaboyich ammanoo keree wocheeeye aabo asho boono
shuune toommooch boono echeeyemmoch (yeeri tuniito)**

وَالْقَدَرِ خَيْرِهِ وَشَرِّهِ كُلِّ مِنَ اللَّهِ تَعَالَى

👉 Wol qadari kayrihii wosharrihii kullun minallaahi ta'aalaa

👉 **Yeeri beshiiti mooyocho ammanoo biichi gaawocho biichi
gondoyicho bulla damba tuneti yeeriwaaneeniye iqqiina**

Yeeri beshiiti mooyoch ammanoo geto



👉 Yeeri amee mooyon bulla shiichii are mooyo daniyaanbeete
ariibeeto tunoon

👉 Ebi tuneebeetonaa tunaa beshetonaa batti tunemmi mooyo bullin biichi kooricooch kooreeqqi beeto tunoon.

👉 Amee mooyo bulla gondebe gaawebe bi daaggaallon tuniyaano tunoon

الإِحْسَانُ زَكْنٌ وَاحِدٌ وَهُوَ أَنْ تَعْبُدَ اللَّهَ كَأَنَّكَ تَرَاهُ فَإِنْ لَمْ تَكُنْ تَرَاهُ فَإِنَّهُ يَرَاكَ

👉 Al ih'saanu ruknun waahidun wohuwa anta'budallaaha ka'annaka taraahu fa'llam takun taraahu fa'innahuu yaraaka

👉 Ihsaano (gaawee heeyo) biich ikke shuuto beete aroyona yeerin ne gibenooone biin ne beeggaabeetochoomon biin ne beego qajjetaana aroo taan beeggiibeetone getona

Salaato

Salaato geto amoone ?

👉 Salaat geto arabee noonooone kafina yeerin qollo getone

👉 Wotta sheri'eechi noonona takbiiroona kottaqqi salaamtoona tooccaabeeti shuunoone

👉 Waajibe salaato bi kottato nabi Mohammed wocheeti 10 natoobane

👉 Bi kindiyooba jibriiline waaqqi nabi Mohammedich ﷺ bullin salaatii beekiito

👉 Nabi Mohammed wotta bo sahaabooch bekkiiyone

👉 Makkee 3 naton madiinee 10 naton sagidiyone

Bulla kicaa



👉 Waajibee salaato bulla kicaa 5 gooroone

👉 Bi neexo 17

👉 Bi rukuu'o (yito) 17

👉 Bi sujuudo 34

👉 Bi attahiyaato 9

👉 Bi salaamto 10

👉 Biichi takbiiron 94

👉 Biichi sheeroo 9

Salaato kinditi hinnoo

Batti batt bi waato yeeri waaneene aabichii waahe getigaata



Yeeri nabi mohammedin ﷺ bi ceege maraakoo jibriil waaqqi boon damba daammiiibe ikka ikka xaa'ooch beddichi ta ebiyee damba ta yeerichi bekkoon hakkii beshiyaantaane iqqi jibriil arooch echachee

bo damba yeeri beetooch beddaahe hammiyone ashi shuunoo kobereebeeti kooricooch kooriibeeti peennee qaaron bo waayemmooch beddaahe yeeri beetooch katinniyone.

Ishina yeeri 50 gooree salaatoon booch immiye ishin deebiibe nabi muusina gommooche danaa bo getaa muusi boon echehe

Ambicha salaatoniye ne maccoch ne daammaabeeto?

Bi getaa 50ne iyone biyoone ne maccoo ishin hakkaachemmone qolleree arooche giishiibe iye

Ishina Mohammed (saw) hammii uuchi uuchoona giishii be deebii uuchooch neechiye

Salaaton bo deebiichee wotta jibriil waaqqi booch imaamo (aaf shiicho) tuneqqi booch sagidii bekkiihe bulliiche shiichii boono sagidito zuhroone.

Islaame gibenooche salaatooyich beeti bootoo



👉 Islaame uucha shuutooch 2nnee daqqooch danehe

👉 Islaame gibeneechi gimboone

👉 Qiyaamooba bullee mooyoye shiichi echeeyemmo salaatoone

👉 Salaato duubagaata bulle shuunoo duubehe bi gaawegaata bull gaawehe

👉 Ubbe islaame sheeroon yeeri jibriilina deejjichi wotta salaatoon Mohammedin (saw) ceeggiqqiine adaroon bi immito.

👉 Beshoon guunoo yeeriwaan bi katinniibeeti gooroo sujuudooch bi beegooraniye

👉 Salaato ashi bushoyich beekkoone

Salaate daggooch shuuneebeeti shuuneena'o



Azaanoochee salaamtooch beddaahe beeti mooyina'o boono biishoona tookkii



👉 **Azaano (Archiyoo)**

Allaahu akbar allaahu akbar

Allaahu akbar allaahu akbar

Yeerine beshi oogoo (×4)

Ash'hadu allaa ilaaha illallaah

Ash'hadu allaa ilaaha illallaah

**Iberoona gibeneeya beddimmo yeeriye guuta aallo tunoon
miixeho**

Ash'hadu anna muhammadarrasuulullaah

Ash'hadu anna muhammadarrasuulullaah

Muhammadi yeeri wocheyacho tunoon miixeho

Hayya alassalaah

Hayya alassalaah

Salaatowaan wobot

Hayya alal falaah

Hayya alal falaah

Daachittinowaan wobot

Allaahu akbar allaahu akbar

Yeerine besha oogoo

Laa ilaaha illallaah

Yeeriye guuta iberoona gibeneeya beddimmo aalloone

Allaahu akbar allaahu akbar

Ash'hadu allaa ilaaha illallaah

Ash'hadu anna muhammadarrasuulullaah

Hayya alassalaah

Hayya alal falaah

Qadiqaamatissalaatu

Salaate neex (sagideeya) beddatan

Qadiqaamatissalaah

Allaahu akbar allaahu akbar

Laa ilaaha illallaah

Faatihoo (Qechoo)



Al hamdu lillaahi rabbil aalamiin

Bullee naadoo bulla aalamee nuggishoo yeerichone

Arrahmaanirrahiim

**Arigqechonaa arigqeebeetonoch/Showee toommeexi bullich
bedditi rahmatechonaa aakirooche mu'minoyich baach
beddemmi rahmatecho**

Ebin (gaminonaa qamini rahmatacho) ii biishono hakkiyon

Maaliki yawmiddiin

Keree wocheyoobe aabe doonocho

Iyyaaka na'budu wa iyyaaka nasta'iin

Neen baach gibenebon neenna baach gaacheebon

Ihdinassiraaxal mustaqiim

Kaame gommooch noon yaabib

Siraaxallaziina an amta aleyhim

Are boonoshin ne yaaniiti asheena'o gommooch

Gayril magduubi aleyhim woladdaalliin

Are boono toommooch shuuteyaanona xummiyaaneena'o gommooch

Aamiin

Yeero no qolloon de'e

Rukuu'o (yitoo)

Sub'haana rabbiyal aziim (3×)

Xallittino oogeti ta nuggishoochone

(Kaamo)

Sami'allaahu liman hamidah

Yeeri biin naadiibeeti ashich waayechone

Rabbanaa wolakal hamdu hamdan kasiiran xayyiban mubaarakan fihi

No yeero naadoo ne ikkeetichone wodde gaawe are daggooch barakoo giyiti naadoon neen naadihon

Sujuudo (gunniguppho)

Sub'haana rabbiyal a'laa (3×)

Xallittino damba tuneti ta nuggishoochone

Allaahummagfir lii (3×)

Yeero taach maaroo ged

Attahiyaatoo (oogiyoo)



Attahiyyaatu lillaahi wossalawaatu woxxayyibaatu

**Bulle oogittinoonaa uuche gooree salaatonaa gaawe mooyona
yeerichone**

assalaamu aleyka ayyuhannabiyyu worahmatullaahi
wobarakaatuh

**Haano nabiyyooch! diggoonaa yeerichi ariqqoonaa biichi
barakoona ne toommooch beeba**

Assalaamu aleynaa wo'alaa ibaadillaahissaalihiin

**Diiggoo noonnaa gaawi gaawe yeeri guuneena'o toommoocho
beeba**

Ash'hadu allaa ilaaha illallaahu wo ash'hadu anna muhammadan
ab'duhuu worasuuluh

**Yeeriye guuta ibaroona gibeneeya beddimmo aallo tunoonaa
Muhammadi bi guunoonaa bi wocheyachoo tunoonon miixaho**

Allaahummasalli alaa muhammadin wo alaa aali muhammadin

Yeero muhammadinaa bi dabbeena'onon naadib

Kamaa sallayta alaa ibraahiima wo alaa aali ib'raahiima innaka
hamiidun majiid

**Ibraahiminaa bi dabbeena'onon ne naaditoomon ne xiishoona
naadeeto oogeto neene**

Allaahummabaarik alaa muhammadin wo alaa aali muhammadin

Yeero muhammadinaa ﷺ bi dabbeena'onon barakiib

Kamaa baarakta alaa ibraahiima wo alaa aali ib'raahiima innaka hamiidun majiid

Ibraahiminaa bi dabbeena'onon ne barakiitoomon ne xiishoona naadeeto oogeto neene

Salaamtoo (diggiyoo)

Assalaamu aleykum worahmatullaah

Assalaamu aleykum worahmatullaah

(Yeerichi)Diggoonaa yeerichi ariqpoona itto toommooch beeba

Salaateechi sheereena'o

شُرُوطُ الصَّلَاةِ تِسْعَةٌ

👉 Shuruuxussalaati tis'atun

Salaatee sheereena'o yiixiyeena'one (9)

(1) الْإِسْلَامُ

(1) Al islaamu

👉 Muslimee tuno

(2) وَالْعَقْلُ

(2) Wol aqlu

👉 Qellee diggittino

(3) وَالتَّمْيِيزُ

(3) Wottamyiizu

👉 Gondaa gaawon barbaryee eenoch bedo

وَرَفَعُ الْحَدَثِ (4)

(4) Woraf'ul hadasi

 **Wudoo**

وَأَزَالَةُ النَّجَاسَةِ (5)

(5) Wo'izaalatunnajaasati

 **Najaason aalliyoo**


وَسِتْرُ الْعَوْرَةِ (6)

(6) Wositrul awurati

 **Achee qeroo**

وَدُخُولُ الْوَقْتِ (7)

(7) Wodukuulul woqti

 **Salaatee gooree bedo**

وَاسْتِقْبَالُ الْقِبْلَةِ (8)

(8) Wostiqbaalul qiblatai

 **Qiblawaan ga'ee wotto**

وَالنِّيَّةُ (9)

(9) Wonniyya

 **Yamo**

Salaatee shuuteena'o

أَرْكَانُ الصَّلَاةِ أَرْبَعَةٌ عَشْرَ

 **Arkaanussalaati arba'ata ashara**

 **Salaatee shuuteena'o 14 na'one**

الْقِيَامُ مَعَ الْقُدْرَةِ (1)

(1) Al qiyaamu ma'al qudrati

👉 Neexo hakkoo beegaata

وَتَكْبِيرُهُ الْإِحْرَامَ (2)

(2) Wotakbiiratul ihraami

👉 Salaatooch gimii takbiiroo

وَقِرَاءَةُ الْفَاتِحَةِ (3)

(3) Woqiraa'atul faatihati

👉 Faatihee qaroo

وَالرُّكُوعُ (4)

(4) Worrukuu'u

👉 Yiito

وَالرَّفْعُ مِنْهُ (5)

(5) Worraf'u min'hu

👉 Arooche kaamo

وَالسُّجُودُ عَلَى الْأَعْضَاءِ السَّبْعَةِ (6)

(6) Wussujuudu alal a'daa'issab'ati

👉 Shabaatte qeppoona gunniguppho

وَالْإِعْتِدَالُ مِنْهُ (7)

(7) Wol i'itidaalu min'hu

👉 Arooche kaacha koto

وَالْجُلُوسَةُ بَيْنَ السَّجْدَتَيْنِ (8)

(8) Wol jalsatu bayinassajdatayini

👉 Gutte sujuude gutte daggooch koto

وَالْظَّمَأُنَيْنِ فِي جَمِيعِ الْأَرْكَانِ (9)

(9) Woxsuma'niinatu fii jamii'il arkaan

 **Bulle shuuteena'o daggooch digaayoo**

وَالْتَرْتِيبُ (10)

(10) Wottartiibu

 **Yaaroona shuuno**

وَالشَّهْدُ الْآخِرُ (11)

(11) Wottashahhudul akiiru

 **Gubbi attahiyaatoo**

وَالْجُلُوسُ لَهُ (12)

(12) Wol juluuusu lahuu

 **Biicha ii koto**

وَالصَّلَاةُ عَلَى النَّبِيِّ ﷺ (13)

(13) Wossalaatu alannabiyyi (s.a.w)

 **Nabiyyo toommooch salli kindiyoo**

وَالتَّسْلِيمَتَانِ (14)


(14) Wottasliimataan

 **Gutte salaamteena'o**

No showooch shuuneebeeti shirkeena'o 

 **Tomo**

 **Keemiyoo**

 **Dongoo**

 **Tifeebeeti mooyo**

👉 Wogeebeeti mooyo

👉 Yibbaateebeeti mooyo

👉 Ixee Keemiyoo

👉 **Boono sheqqoon no ciinigaata ebin shaahiye**

👉👉👉

Tomo xxxxxxxx

xxxxxxxxxxxxxxxxxxxxxx

👉 ***Tomo geto amoone?***

👉 *Tomo islaame gibenee sheeroona amoon shaahiye ?*

👉 *Tomooch hamimmoch ame maaco icheeya beddiye?*

👉👉👉👉👉👉👉👉👉👉👉👉👉👉👉

M.B (mulli beshiib)

👉 **Tomo geto** dongoone dongoo wotta islaame gibenooche ashoon kichiibeeti aashireexi ikkoone 🔥

👉 Tomoona asho qitite getee bi iberaa kooto tacheeyeche ❌

👉 Tomoona asho nafee qitiye getaa ibere gommone getee nalleyaache ❌

👉 **Ikkinnoocha** yeeri kichaani kasho keyaache ❌

👉 **Guttinnoocha** yeeri ashich bi maacciton tomo shaddoo hakkaache ❌

👉 Wotta aabichii asho aree naboona qitiye geto qayaachin 🤔

1nnoo tomooch hammeeto bulla qitimmogaata and hin shiijjeroo kunaanochoomon bi qaayeebeeti goorooch ikko bulla showe toommooch beetaacheetone bulla biinnaa biinna ciireetone.

2nnoo Aroona bi qitoon amoonaa ariinne !? ebiye aaf yeeri biich
koori bi geddit decon yeerichi kooricee daggooche beeggetine 😄
wotta bi hammeyaanegaata qitooche wodeetone ii gabinne 🙄

3nnoo Iberoona gondo shuuneton baach wuxee hakkoo biich
beemmogaata ikke gaayo kafi showooch beetaache 🙄 tomo beeto
kafa gaayo beeto kafa 🤔

Wotta ebi buuqa tomo akkiya waahe getigaata ?

Ebin xiishiib 🔥



1nnoo yeeri aata bulla Iberoona biich ammanitonaa danemmi
hipparoo guudoo bullich ammaniton barbarii kichii ashich
bekkiyocha ii bi deebaani mooyo aalloone.

2nnoo Tomo shuuneebeeti huundeena'o boono yamo gijjee
danoyichalli haqqe kichochiye getiree daafeeyaahin hin diddat
gellechooch!

Tunebaani boonoshich giixo neech giishone 🙄 halla aatochi
oogetin 😊

3nnoo no gooree asho yeerin shato bi waane wokkiigetaa yeeri
ebina boonoshin phira beegganiye boono giishono ashich
bekkiyoch ebiche yeerin shaton qajjii sheexaano tomoon shatoo
ebina tate giisho amooch beete !?



Keemiyoo



Dongachonaa allaamoona 🙄



Dongachonaa allamoona aabichii asho boonoshich bi getaani
mooyon boono beegaani ikkikke mooyon ariyoo hakkiye !?

Ebin ariyoo bulliye shiichii qaawiiti kuxoone 🙌

Ashi bushoo bi dawusheebeeto boono giidoo/boono gaannoona tuniyaan beete ebi boono gettiibeeteexi ikkikke ibere mooyicha iinane 😞

👉 *Ebich eke shiichi allaamee guuneena'on echebon* 🤔

1nnoo boono yibbaatoo iberaa holliibeet! !?

2nnoo itto hoxaabeete boono koottiibeeti mooyoo aall!?

3nnoo woshoo itto kichee aree itto gaboo ceennibeet! !?

👉 ***Toonoone*** boono getigaata wotta echo 🤔

1nnoo Yeeri getote ii boree boono gettiibeetogaata akka kooto bulla baceeyeh !?

2nnoo yeeri aabichii koota mooyon boonoshich gettiye !?

3nnoo yeeri amee gommoma boonoshina dittehe !?

👉 Kaamoona dittehashi

👉 Maraakoon deejjiihashi

👉 Kooricoon kindiihashi

👉 Gumona bekkiihashi

.....

Eke amee gommoma yeeri boonoshin dittehe !?

👉 Wotta gumo tunegaata hanaach hammemmi ashichon yiichi gummii qeyiyashi amoone maroo 🤔

👉 And ebich yeerinaa bi wocheyachoo Mohammedina ﷺ nooch boono biriito michiiti wochoone 100

👉 Ishiyona ebine



👉 (Ashi bushoo allaamoon/dongachon tunabane bi getigaata sheexaanon gibeneqqi boonoshina arichehe boonoshicho sagidiye ishiyee gubb asho waammi haddoona sheexaano bi toommooche damba shimaayooch beddaahe xappeeqqi hammii yeeri maraakoo jibriilich bi gettiibeeti mooyon gaajjii waayaqqi biyee dechoyich beshiihe beshaa beshoona deebii bi shakkiimmona aree toommooch 99 kootoon daakkii balla mooyon ashich gettiye asho aree ikke iberecha ii 99 kooteena'on iberoone ii ammaniye)

👉 Wotta ikke sheeke shigoona dongiibe yagiti uro toobbatii wottaqqi bi gettit mooyo ebin shaahiye



(no waan waati ashi mooyon no ariibeeti hinno no shunechi sheexaaneena'o beeteete boonoshicho aree showooch sheexaane nuucheena'o beeteete no noochi sheexaaneena'on no echammona boonoshiyo boono nuucheena'on echeqqi beeti mooyon nooch gettiyeete)

👉 Ebich ikke asho ballooche ikkeen baach ibero qayiche ballooche ikkeen baach ariibe bi kottimmogaata aree 99 ibereena'o bull kooto tunereesh boono bekkeeto

Amoyicha getigaata illa biin qellechi asho ammanaache ❌

Are ikkeen biin kootiit naboo amo aahena oha 99 iberoyich no mullo wodemmm!!?

Ittoshiche allaamee guuneena'ot aabichii ikka iberecha ii 99 kooton iberiihote !?

Itto qelloon tachibot

Tifeebeeti mooyo



👉 Qaaxilloo

👉 Engeengille/engiraariche ceero

👉 Hirzo

👉 Ixaano

👉 Birawoo

👉 Ashaafoyich sheebittoyich bull Tifeebeeti mooyo

Wogeebeeti mooyina'o



👉 Ta nihoona

👉 Ta indeena

👉 Ta manoona

👉 Qabroona

👉 Qaaqgoona

👉 Azaaboona

👉 Nagaroona

👉 Ne immatona

👉 Ne gubb

👉 ihaat meecha

👉 Eboshi bull shirkeena'one itto gelloon quyebot 🔥

Yibbaateebeeti mooyina'o



👉 Yeerina tookkii neen gibeneho

👉 Yeerina tookkii ne tunaqqaanalli

👉 Neennaa yeerina aallegaata

👉 *Eboshi bull shirkeena'one yeerina tookkii xaaqqoo getteehe*

Ebich maroo amoone getigaata



👉 Yeeriye dechich ne tunaqqaanalli

👉 Yeeriye dechich neen gibeneho

👉 Yeeriye dechich ne aallegaata

👉 Ebich yeeriye dechich geto yeeri daaggoye gubb woyee yeeri daaggitoye hacha getone

👉 *Ebi aallegaata yeeriwaan xaaqqoo tuneer danehe*

Ixee Keemiyoo



👉 Gonde mooyon beeggii gommooche
wotto

👉 Gaawe mooyon beeggii bi qajjeetooch hamoo

👉 Kexon/gafoon shaddoo

👉 Ebiyoona shirkeexi ikkoone no qelloon quyo nooch qaawiihe 🔥



👉 Moolidee baaroo

👉 Daawee keyo

👉 Caateexi du'aa'o

👉 Shawwaali iido

👉 Manzuumees ello

Boono sheqqon no ciinigaata ebin shaahiye



👉 **Moolide baaroo**

XXXXXXXX

👉 Islaame gibenees daggooch aalli mooyon wodde asho bi baaritaana ashi shuuno yeerichi gibenees daggooch miixoo nooch tuniyaache ❌

👉 Islaame gibeno bi waato yeeriwaane nabi Mohammed ﷺ gommona bi tunetoyena miixoo no giddiiyemmi yibbaatoo boono guttichi dittoniye

👉 Ebiyee maach amoomi asho bulla waaqqi eboomi mooyo islaame gibenees daggooch beetone bi immo gaata aree bi gete toommooch miixoo biich aallegaata bi yibbaatoo guudoochiye bi qixeyemmo

👉 Wotta islaame gibenees sheeroo nabi Mohammed ﷺ qitaan bo beetene bi ceennito koni bulla aroyee gubb waaqqi daakkono shappiiyono hakkaache ❌

Ebich moolidee baaroo kottato bo beehooba tuniyaan beete bo qititi 400 natowaaniye

👉 Ebin kottito ikke muslime taatoo malikul muzaffar gettahe

👉 Ishin bi deeboch beddito kirstaaneena'o boono nabiiyyo iyesus 42 kirstoosichi shiijjon boono baariibeetoyena nowo no nabiiyyo

Mohammedichon ﷺ baaroo nooch qaawiihe getonaniye.

👉 Ebi shalligoo qur'aano hadiisoona degeeyaano bi tunetoch islaame gibenee sheeree daggooch beetone ii gaboo oogeti daboone

🌙 Nabi Mohammed ﷺ ishichiyone **(ikke no gibenee daggooch aalli mooyon shuunet asho bi toommoochiye bi wottemmo bi toommooche dekkiyaachemmone).**

Ebich yeeri daaggaan mooyon yeerichi gibenee daggooch daakkoon qaawiibeeti asho yeeriye beshoon ariiho geto shaahiye ebin wotta iawe qellechi asho gabaache ❌

Daawee keyo



Daawee keyo

Da'woo geto ama getone !?

👉 Da'wah geto ceego getone

👉 Kuruuj geto keyo getone

👉 Tabliig geto bechoo (shakkiyoo) getone

Ebich koni bulla islaame gibenee sheenooch aashechi diinoona kaayo tuniyaache

Amoyicha getigaata



👉 Wodde asheena'o da'weechi mooyo tiyigaata wodde keqqoo boonoshich waayeehe

Tunebaani hini mooyo yeerichi mooyone bi getteetoye damba gutte baddi guuphon cagiiyemmi mooyo aalloone amoyicha getigaata gutto bulla biich beeti miixoon giddiyoo qaawiihe.

👉 Wotta miixoon no giddiibeeti goorooch quraano hadiiso ijmaa'onaa qiyaasonoye maach keyo hakkeyaache.

And eke shiichi no toommooch giddeti echeena'on ciinon



👉 Daawee keyo akka bachehe !?

👉 Bacheto daawee keyonashi daawee gedone !?

👉 Boono shuunee toommooch miixoo aalleqqiiniye !?

👉 Kayrooch boono ceeggiibeetoye akka shixxeheete!?

👉 Ebiyee aaf sahaabeena'o keyaachete !?

👉 **Eke wotta boono wochoon ciinon** 📢

👉 Akka bachehe getti toommooch echeeyemmi echo beete

👉 Amoyich daaggeehe !?

👉 Koni daaggiye !?

👉 Aatooba daaggeehe !?

👉 Ameer hinnoona daaggeehe !?

👉 Kone ebichi hinnoona shuuneto!?

👉 **Eke boono wochoon ciinon**



👍👍👍 Yeeri gommooch ceegoyich daaggeehe boono getigaata

👍👍 Yeeri gommooch ceegoyich amoomi sheeroon ceecho qaawiihe !?

👍 No ariyaachon boono getigaata

👍 Akka itto ariyaanon shuunehote !?

👍 Quraano hadiison ariihone boono getigaata

👍 Itto ariitogaata akka quraano hadiisooche miixoo giddiyyaachote !?

👍 Ebi no shuunoo bull miixachone boono getigaata

👍 Are xaa'oon ittoshi baachiye beegito !?

Ebich no qaawiibeeti mooyo quraano hadiisooche miixee giddiyoo baachiye

👍 Wotta Bacheto daawee gedonashi sha'oone !?

👍 **Biichi wochoo ebin shaahiye**



👍 Noochi gibeno bulle shuunooch bulla bi kotiiti tartiibo beetone

👍 Daawee gedoch ariyoo qaawiihe

👍 Eboomi qemo/nato getaa shigiyoo aalloone

👍 Ariimmo bi qellichi hammii ashon ciicolli ashon giidoona daamo aalloone

👍 Islaame gibene sheeroona bi ariyaani mooyon tiyii yibbaatoo ogooge hukkeexi ikkoone

👉 Ebi sha'oyich boono gedditi tartiibo sheri'ee daggooch aalloone.

👉 Ebich boono sha'oyo tuneba boono daawee hinnoyo tuneba sheri'ooch aalloone

👉 ***Boono shuunee toommooch miixoo aalleqqiiniye !?***



👉 **Ebich wochoo**

Eke wochoye shiichii boono beetonaa quraano beeti xaa'oonon ciinon 👉

👉 Shiichii kinditi quraane mokasho doyibe geto

👉 Boonoshi wotta shiichii daawee keyo

👉 Quraano ariichi yibbaatebe iye

👉 Boonoshi yibbaate doyibe iyeete

👉 Quraano ariyoona ceege iye

👉 Boonoshi baribare tochoona

👉 Quraano yeeri gettiti bo'oona hambote iye

👉 Boonoshi asho kichiti bo'oona

👉 Quraano ikke diine moochi toommooch itto baribarigaata quraano hadiisooche miixoo giddiire nalleebote iye.

👉 Boonoshi wotta ikke boonoshichi sheexoon boono danegaata naago ufona.

👉 Quraano haqqoon itto be'igaata dabbibote iye

👉 Boonoshi amoomi adilloo (miixoon) no danemmogaata wottiyaachone iyeete

👉 Quraano gijjoo bedigaata gommoo diggegaata makkiwaana iye

👉 Boonoshi hindowaan paakistaanowaan iyeete

Wotta eke hadiisonaa boonoshina daggooch beeti mooyo



👉 Hadiiso itto daggeexi beshi asho quraanon doyii dojjitane iye

👉 Boonoshi wotta daawoo kechitone iyeete

👉 Keejje masjideena'oye guuta xaanii yebbee hamo tuniyaache iye
(Makki, madiina, masjidul aqsa)

👉 Boonoshi ebi keemina'on qajjichi hindo Pakistanoch

👉 Kayrooch boono ceeggiibeetoye akka shixxeheete !?



👉 Ebi eche toommooch echo taach beete

👉 Kayrooch boono ceegoch baach kaameena'one getteeyeh!?

👉 Kayrooch ceego baach kaame malletoone ito kone !?

👉 Ashoon dawushiibeeti asho gondoona baachiye bi
dawushiibeeto !?

👉 Eke wochoon ciinon



👉 Sheexaano ikke gondoona ashoon shuuniiyoch 99 gaawoon
shuuniihe


👉 Islaame gibenees daggooch gaawo ciinee worganeeyaache


Sha:- ikke koobee ejjooch sheqe aafeyoomi aa'i guudee giyigaata
are guudenalli asho worganemmo ejjechi naccittinon
worganiyaache amoyicha getigaata ejjo biichi indo naccoone
gaawoone


👉 Eboomon islaame gibenoona degeeqqi ashon xummiibeeti
ashichi gaawoo ciinnetaache are bi deebiti guudeen baachiye
amoonaa giyaane getiree no phire kichemmo ebich kayree boono
shuunoo bida'ooche boonoshin wodiyo hakkaache


Ebiyee aaf sahaabeena'o keyaachete !?





 Wotta andoona echebon


 Sahaaboo aabine ebichi hinnoona kechito !?


 Ambiche gemicho ii kechiye !?

 Aro ittoshiyoomi ulloonashi quraano hadiison ariibeete !?

 Bi hamiyooba amee daawoon geddiye !?


 Aro bi ariiton getta hammiyashi ditton doyiya hammiye !?


 Nabi Mohammed s a w konnaa konnoniye bo koberee daachiito !?


 Boono hamiyooba ambiche mukkitoon ciichiteete !?


Eboshin boono hakkigaata wochibeeta boono tuushigaata
neexabeta⚠


Wotta eke islaame gibenee daggooch boono shuuneebeeti hukkeena'on ciinon



 Quraanon kootoon boono gaba biichiyeete


 Da'iifa hadiison ashich gettiyeete

 Ashoon quraane qarooche wokkiihete

 Aqiidee doyooche ashoon kuxxiyeete

 Yeeri niriiton kupphii bi kupphiiton niriiheete

 Ebi sha:- yeeri wodde mooyon ashich borite 

 Salaatibot

 Soomibot

👉 Doyibot

.....dab

👉 Eboomi wodda mooyina'o beeteete arooche wotta gutte beerooch qoodeehete

👉 Fardul ayn

👉 Fardul kifaayaa

👉 Ebi geto ikkinno bulle ashi toommooch bi qelli qelloona wuttoo tuneti mooyina'o

Sha:- uuche gooree salaato

Ramadaane agenees soomoo

.....dab

👉 Wotta guttinno bullee ashi toommooch wuttoo tunaachi tunebaani boono daggeexi ikke asho baach are mooyon shuunagaata boono bulli toommooche kindiibeeti mooyone

Sha:- daawee gedo

Janaaze toommooch salaattoo

Salaamtee wochoo asho salaamtigaata

👉 Ebi guttinnee kuxon no ciinigaata ohiye woddii bariti kettoone baroo baroyeena daawee gedo ariyechina'on baach ciinnimmi kuxolli bull dechaa docho waare diinoona bi kaachemmi moosho toonoone

👉 Ebich boonoshich qaawiito doyoo

👉 Boono shuunoo woroo


Ebich aata bulla boonoshinaa quraano hadiisona danoon
hakkaacheete


Caato qaameemmi haddoona qollebeeti du'aa'o





Caatonaa muslimoona


XXXXXXXXXX


Halaalaa haraamo getooch giyaach 

 No yibbaatemmo muslimonaa caatonon daniito amoone !?

 Wodde asheena'o caaton boono danagaata yeerin qolleheete
(du'aa'o geddiyete) bi aallagaata qajjiyeete ebi oogati ikkinnee
buuqa mooyone ✖

 Wotta woddeena'o caatoon kotoyee shiichii yeerin qollon caatee
manjaaneechi sheeroon tunii ciinniyeete eke ebi geto bare
maayoye caatoyich amoom oogittino beeqqiiniye !?

 Ishigaata amoyich bare maayon bulle aaboon du'aa'o geddichi
maataachete !?

 Wodde sheeke shigoona ashon dawushii maabeeti gudineena'o
caate guudon gachii geddiqqi ashon diiroo/ufoo boonowaanaa ooge
mooyone ✖

🔪 Wodde tuushee muslimaana'o caatechi du'aa'onaa caataalli
du'aa'onooche oha caatechon beshon yeeri deqqiye ii gabiyeete ❌

Wotta eboomon caaton jannatooche waaton boono tuniibeeto
tunebaani boono shuriyoon no ciinochagaata azaabooche waatone
bi shaahiibeeto

Ciiroocha muslimo shuna shixa caato danammi haddoona baach
du'aa'e gedo bida'oone ✓

🔪 Shawwaali iido



Shawwaali iido



🔪 **Muslimoyich yeeri daaggiti baareena'o(emiree aabeena'o)
gutteena'o baachiye.**

👉 Ramadaane iido

👉 Arafee iido

🔪 Ebi gutteena'oyee bare baareena'on yeeri ashich daaggaanoone.

🔪 Ebich shawwaalin kaachito noone ii'i baaroo aree shigoona
ataalleyoo shawwaali iido ii shigiyoo bull bida'oone

🔪 Manzuumeel ello



Yeerin shattiti muslimaana'ot 🙌



Amoyichiye giitaarachi mooyon itto elleebeeto !?

👉 Hini no beeti goorooch ambicha mooyina'o isliminnoon shaahiite shuuneebeetina'o beeteete 😭

👉 No asho wotta ebin duuda bechaache yeerichi gibenoon bi nihoochi qoco tuniiqqiin bi ciinniibeeto ikkikke ashiwaanaa bi nihoochi wogoye bulla bedaache 😭

👉 Muuziqo (duubon) ellaabeetochon bulla gayot ! aroo muslimée sheeroona bacheto tunoon ariibeeniye gubbich toobbatii wottemmone getaa gabeehe

👉 Wotta hini manzuumon ellaabeetonochi aabichoonne !?

👉 No showwooch ikke asho iimaano yeshane bi getigaata muuziqoon qajjii munzuumoon elloone boono malletoo 😭

👉 Wollaahi boono ariimmogaata are muuziqoon elloone yeeri aafoocha beshi kette hukkoo 😭

Kone manzuumeeloon neech daaggito !?

Muslimée gaaro aroo

Baaroo aroo

Suuqo aroo

Kexo aroo

Alarm aroo

Calling ring tone (Kekee ceego) aroo 😭

👉 Shunot shixot! muuziqee elloyee manzuumeeloon yeer aafooch beshi hukkoo 😭

👉 ***Amoyicha getigaata !?***



1nnoo Yeeri shixxiti mooyon yeeri shunniibeetone ii bi gaboo

2nnoo Ebi mooyon maasiyoo bi tunoon bi tuushitoch illa toobbataanon aree hukoon mi'are yeeri aafooch bi hammemmi qoodoyich

3nnoo Wodda manzuumeena'o shirko bacceetina'o boono tuneti qoodoyich

4nnoo Aree manzuumoon kichiibeeti ashich sponsero tunaa hukkee toommooch boono degeebeeti qoodoyich

👉 Eboshin bull yechii beechi asho aabichii muslimo taane yeerina boreebeettaane geto hakkiye !?

Ebichi toommooch boono giddiiyemmi miixoo beete

Aroyona ebine



Manzuumon wodde sheekeena'o elleebeetoche !?

Wochoo



Wodde sheeko gayiche bulle sheeko ellemmogaata bulla boono bullichi yibbaatoo ikke quraane mokashoye bedaanoone woyee ikka nabiyyoyichi hadiisoye bedaanoone ❌

Boono getonaay eeri getona woyee yeeri wocheyachoo getona bi barbariyooba boonochi guudoochiye bi qixeeyemmo 🧑

Ebich muslimo taane ito koni bulla ikka moochi iberaa kooton ariiyooch bi qaawigaata quraano hadiiso ama iye getalli

sheekeena'o amoon boono shuuneebeeto geto qaawiyaaache ✖